

間事也。崇禎中。遵化則趙率教。波羅灣則官維賢。永定門則滿桂。孫祖壽。皆崇禎二年。旅順則黃龍。六年。皮島則沈世魁。七年。金日觀。十年。寧遠則金國鳳。十二年。松山則楊國柱。十四年。曹變蛟。十五年。寧遠則李輔明。螺山則張登科。和應薦。十六年。其他副將以下。亦不可數計。且不特此也。如盧象昇。洪承疇。勦流賊。最有功。而一遇大清兵。非死即被執。蓋與朝之運。所向如摧枯拉朽。彼亡國之帥。自必當之立碎。明史所謂天命有歸。莫之為而為者矣。

明末督撫誅戮之多

鄭崇儉傳。崇禎中。凡誅總督七人。崇儉及袁崇煥。劉策。楊一鵬。熊文燦。范志完。趙光忭也。崇禎二年。王元雅以巡撫。大清兵入口。擢罪自盡。是年先誅萬歷中四路喪師之經略楊鎬。五年誅天啓中廣寧喪師之巡撫王化貞。九年總督梁廷棟。以失事懼誅。先服毒死。四人尚不在七人數內。顏繼祖傳。崇禎中。巡撫被戮者十一人。薊鎮王應豸。山西耿如杞。宣府李養沖。登萊孫元化。大同張翼明。順天陳祖苞。保定張其中。山東顏繼祖。四川邵捷春。永平馬成名。順天潘永圖。而河南李仙風。被逮自縊不與焉。又崇禎十七年中。兵部尚書凡十四人。亦罕有善全者。二年王洽下獄死。九年張鳳翼服毒死。十三年楊嗣昌自縊死。十四年陳新甲棄市。其餘如王在晉。削籍歸。高第被劾去。其得致仕者。惟張鶴鳴。熊明遇。馮元飈等數人而已。時事周章。人材脆薄。刑章又顛覆。固國運使然矣。

四正六隅

韓雍征兩叛。或請以番騎趨廣東。而大軍趨廣西。分路撲滅。雍曰。賊已蔓延數千里。而所至與戰。是自敵也。不如直搗大藤峽。傾巡巢穴。餘自迎刃而解。倭果以此成功。及崇禎中。流賊充斥。楊嗣昌則建四正六隅之說。以陝西河南湖廣江北為四正。四巡撫分勦。而專防。

延綏山西山東江南江西四川為六隅。六巡撫分防。西協勦。是謂十面之網。而總督總理二臣。隨賊所向。專征討。其後竟不能滅賊。或咎其備多力分。不如雍之扼要。不知猺獠雖四出。流劫而終戀巢穴。故雍專攻其腹心。即可制之。流賊則朝秦暮楚。本無定居。若不四圍堵截。而聽其東西奔突。官軍從後追之。此適以自耗其力。而賊終不得滅。嗣昌之策。固未為失也。其先崇禎七年。陳奇瑜以賊在蜀中。亦先檄四巡撫會勦。陝西練國事。駐商南。遏其西北。鄖陽。盧象昇。駐房竹。遏其西。河南元默。駐盧氏。遏其東北。湖廣唐暉。駐南漳。遏其東南。而已與象昇入山勦之。崇禎九年。賊盡趨永寧。盧氏內鄉。浙川大山中。兵部尚書張鳳翼。亦請救河南。助陽。陝西三巡撫。各扼防。毋使軼出。四川湖廣兩巡撫。移兵近界。聽援。而督理二臣。以大軍入山。蹙之。是嗣昌之前。已有此策。亦非鞫自嗣昌。蓋必外有重兵。以防其軼出。而內以重兵蹙之。庶可盡殄。此固時勢之不得不然者也。自奇瑜及熊文燦。兩誤於撫。而流寇遂不可制。然徒勦而不撫。則數十萬匪徒。亦豈能盡殺。是又當痛加殲戮。使畏死悔禍。而後以一赦散其脅從。歸農者。不復窮治。則黨與自離。賊勢孤而易滅矣。赦與撫不同。撫者。撫其頭目。而不散其部伍。赦者。赦其黨與。而不復屬凶會也。顧非先加痛勦。亦豈易言赦哉。

明末僭號者多疏屬

明末自福王失國後。諸僭號者。多係疏屬。魯王以海。則太祖子魯王檀之裔孫也。崇禎末。轉徙台州。張國維等奉之。監國于紹興。後遁入海。泊舟山。又竄閩之金門。為鄭成功所沈。唐王聿鍵。亦太祖子定王極之裔孫也。崇禎末。以擅舉兵。勤王。廢錮高墻。福王立。赦出。南都不守。蘇觀生。鄭鴻逵。奉之入閩。監國。年號隆武。為我朝兵所執。其弟聿錡。復立於廣州。年號紹武。亦為我朝兵所執。又唐王監國時。先有靖江王亨嘉。自立於廣西。則太祖從孫守謙。文朱

正之裔孫也。為巡撫瞿式耜所誅。又有朱容藩。自稱楚世子。天下兵馬副元帥。據夔州。呂子。范文光。劉道貞等。奉鎮國將軍朱平欄為蜀王。樊一未幾皆敗沒。統計此數人。於崇禎帝已極疏遠。本不宜僭號。而妄冀非分。宜其速敗也。至永明王由榔。則神宗第七子桂王常瀛之子。與福王同為崇禎帝從兄弟。崇禎帝曾封為永明王。唐王被俘後。僭號永歷。流轉於廣西湖南貴州雲南者十餘年。後遁入緬甸。我朝兵入緬。緬人執以獻。死於雲南。

流賊偽官號

明史流賊傳。李自成既據襄陽。勅官爵名號。有上相。左輔。右弼。六政府。侍郎。郎中。從事等官。要地設防禦使。府曰尹。州曰牧。縣曰令。武官則有權將軍。制將軍。威武將軍。果毅將軍等名。及至陝西。稱偽號。又設天祐殿大學士。六政府尚書。鴻文館。文諭院。諫議。直指使。從政。統會。尙契司。驗馬寺。書寫房等官。復五等封爵。後破京師。又益改官制。六部曰六政府。司官曰從事。六科曰諫議。十三道曰直指使。翰林曰宏文館。太僕曰驗馬寺。巡撫曰節度使。兵備曰防禦使。今按路振飛傳。有闖賊節度使呂弼周。防禦使武愷。皆為振飛所擒。又曾亨應傳。亨應先為御史張懋爵所劾。後亨應死難。而懋爵降賊。為直指使。此偽官名號見於各列傳者也。張獻忠僭號武昌。亦設尙書都督。巡撫等官。既得成都。又設左右丞相。及六部五軍都督府。亦見流賊傳。後孫可望據黔中。凡諸軍悉曰行營。設護衛曰駕前官。可謂欲設六部等官。恐人議其策。為吏戶禮兵尙書。並加以行營之號。後遂自設內閣六部。李定國出師桂林。有西勝營張勝。鐵騎右營郭有名。前軍都督高存恩。鐵騎前營王會。武安營陳國能。天威營高文貴。坐營靳統武。右統軍都督王之邦。金吾營劉之謀。武英營廖魚。驃騎營卜寧等。見黃宗義所著永歷紀年。鄭成功之橫海上也。分所部為七十二鎮。有中軍提督甘輝。左都督文興。鐵騎鎮王起鳳。衝鋒鎮柯朋。

禮武鎮陳鳳。前衝鎮黃梧。角宿鎮康澄。援勦左鎮施顯之。理餉鎮王愷。又有金武木武士武等鎮。又設六官。分理庶事。舉人潘賡昌為吏戶官。陳寶鑰為禮官。世職張光啓為兵官。浙人程應璠為刑官。舉人馮澄世為工官。後以洪旭為兵官。鄭泰為戶官。其寇瓜洲鎮江時。中提督甘輝外。又有左提督翁天佑。右提督禹信。後提督萬禮。總督水師黃安。前鋒鎮余新。正兵鎮韓英。援勦左鎮劉猷。援勦右鎮楊國泰。援勦後鎮黃昭。前衝鋒鎮藍衍。右衝鋒鎮萬祿。後勁鎮楊正。右虎衛陳鵬。左虎衛林勝。監紀推官何平等。鄭經時尚有二十八鎮。如征北將軍吳淑。平北將軍何祐。侍衛馮錫範。左武衛劉國軒。右武衛薛進思。左虎衛許耀。左都督趙得勝。宣毅前鎮江勝。宣毅後鎮陳諒。建威後鎮朱友。援勦左鎮金漢臣。樓船中鎮蕭琛。樓船左鎮朱天貴。吏官洪磊禮。官柯平。兵官陳繩武等。見野史。鄭草竊奸宄。橫行一時。囑負自雄。設官建職。適以自速其斃也。永明王奔安龍。孫可望使一知府給其糧。冊開皇帝一名。皇后一口。李自成死。其兒子錦。奉自成妻高氏降於唐王。猶稱自成為先帝。高氏為太后。

明從賊官六等定罪

解學龍傳。福王時定從賊官罪。做唐六等。其一等應磔者。吏部員外宋企郊。舉人牛金星。平陽知府張麟然。太僕少卿曹欽程。御史李振聲。喻上猷。山西提學參議黎志陞。陝西左布政使陸之祺。兵科給事高翔漢。潼關道僉事楊王休。翰林院檢討劉世芳。十一人也。二等應斬。緩決者。刑科給事光時亨。河南提學鞏煊。庶吉士周鍾。兵部主事方允昌。四人也。三等應絞。擬贖者。翰林修撰兼給事中陳名夏。戶科給事楊枝起。廖國遴。襄陽知府王承曾。天津兵備副使原毓宗。庶吉士何孕光。少詹事項煜。七人也。四等應戍。擬贖者。主事王孫蕙。檢討梁兆陽。大理寺正錢位坤。總督侯恂。副使王秉鑑。御史陳羽白。裴希度。張懋爵。郎中劉大鞏。員外

郭萬象給事中申芝芳金汝礪舉人吳達修撰楊廷鑑及黃繼祖十五人也。五等應徒擬贖者。通政司參議宋學顯諭德方拱乾主事繆沅給事中呂兆龍傅振鐸進士吳剛思檢討方以智傅鼎銓庶吉士張家玉沈元龍十人也。六等應杖贖者。員外潘同春吳泰來主事張琦行人王于曜知縣周壽明進士徐家麟向列星李桐八人也。其留北俟再定者。少詹事何瑞徵楊現光少卿張若麒副使方大猷侍郎党崇雅熊文學太僕卿葉初春給事中冀鼎孳戴明說孫承澤劉昌御史涂必泓張鳴駿司業薛所蘊通政參議趙京仕編修高爾儼郎中衛周祚黃紀孫襄十九人也。其另存再議者。給事中翁元益郭充庶吉士魯棗吳爾壘後同史可法同趙頴劉廷琮郎中侯佐吳之琦員外郎左懋泰鄒明魁行人許作梅進士胡顯太常博士龔懋熙王之牧王阜梅鶚姬琨朱國壽吳嵩孕二十八人也。其已奉旨錄用者。尙書張縉彥給事中時敏諭德衛允文韓四維御史蘇京知縣黃國琦施鳳儀郎中張振聲中書顧大成姜荃林十人也。有旨周鍾等不當緩決陳名夏等未蔽厥辜侯恂宋學顯吳剛思方以智潘同春擬罪未合新榜進士盡污僞命不當復玷班聯令再議後又議周鍾光時亨等各加一等時馬阮專柄殺鍾時亨即傳旨二等罪斬者。謫充雲南金齒軍三等者。充廣西邊衛軍四等以下俱爲民永不敘用。然案內諸犯多漏網一等者皆隨賊西行實未嘗正法也。

案福王時所定六等蓋就一時聞見草率成案其實尙多遺漏者。李自成入京時閣臣魏藻德等率百官表賀坐殿前俟命爲羣賊所戲侮事見明史列傳而六等中無之。他如大學士李建泰尙書張炘侍郎劉餘祐光祿卿李元鼎庶吉士張端明以及御史傅景星爲賊兵政府侍郎陝西監軍道陳之龍爲賊寧夏節度使御史柳寅東張懋爵俱爲賊直指使此皆文臣之降賊者。錦衣衛左都督駱養性降賊仍原官宣化總兵姜瓖密雲總兵唐

通皆降賊於居庸盪寇將軍白廣恩降賊封桃源伯副將南一魁董學禮降賊爲總兵此武臣之降賊者事見我朝二臣傳而六等中亦皆無之可見所定之案之疎略也。就所定中一等等者固隨賊西去二等中亦祇周鍾光時亨二人正法其他仍漏網三等中如陳名夏入我朝官至大學士兼吏部尙書可見六等之案固不過懸擬罪名實未嘗能行法其留北俟再定者入本朝轉多有至大官梁清標黨崇雅衛周祚高爾儼皆至大學士劉昌冀鼎孳皆至尙書孫承澤至左都御史薛所蘊熊文學葉初春皆至侍郎戴明說張若麒皆至京卿方大猷至巡撫諸人在福王時既以傳聞未確得免麗名於六等之內入本朝官位通顯又莫有記其曾污僞命者。

皇上命詞臣以明臣之仕於我朝者編作二臣傳其中有降賊者據事直書然後失節之處昭然莫掩此真彰瘡之大公可以立萬世之大閑矣。

時蘇州諸生檄討其鄉官從賊者奸民和之少詹事項煜大理寺正錢位坤通政司參議宋學顯員外湯有慶之家皆被焚劫常熟又焚給事中時敏家燬其三代四棺祁彪佳傳

明代先後流賊

盜賊蜂起至覆國家漢則張角等魏則葛榮等隋則翟讓等正史皆未有專傳唐書則立黃巢傳而入於逆臣中然巢初未爲臣也明史以李自成張獻忠另立流賊傳最爲允當然祇傳此二人而永樂以後伺間竊發者不備載但附見於諸臣列傳中今特摘出以便觀覽其他土司之叛服不常及苗獠之據巢穴爲梗者不贅及。

唐賽兒

永樂十九年。蒲臺林三妻唐賽兒作亂。自言得石函中寶書神劍。役鬼神。剪紙作人馬。相戰鬪。徒衆數千。襲據益都。卸石寨。指揮高鳳捕之。敗。勢遂熾。其黨董彥昇等。攻下莒。卽墨。圍安邱。總兵官柳升。率劉忠。圍賽兒。賽兒夜劫官軍。驚潰。忠戰死。賽兒逃去。攻安邱益急。知縣張旗等。死守。不能下。合莒卽墨萬餘賊。來攻。都指揮磨衛青。備倭海上。聞之。率千騎馳至。大破賊。城中亦鼓噪出。殺賊二千。擒四千餘。悉斬之。餘賊奔散。時城中旦夕不支。青救稍遲。城必陷矣。賽兒竟不獲。晉傳。

劉千斤

成化中。荆襄賊劉千斤作亂。千斤名通。河南西華人。縣門石狻猊重千斤。通隻手舉之。因以爲號。時流民聚荆襄者。通以妖言煽之。謀作亂。石龍者。號石和尚。聚衆剽掠。與通共起兵。僞稱漢王。建元德勝。朝命尙書白圭提督軍務。率朱永喜信鮑政等討之。至南漳。敗賊。乘勝逼其巢。通奔壽陽。又退保大市。官軍又敗之。斬其子聰。賊退據後巖。諸軍四面攻之。遂擒通。及其衆三千五百人。獲子女萬一千有奇。石龍與劉長子逸去。擾四川。圭分兵蹙之。劉長子縛龍以降。餘寇悉平。白圭傳。

李鬍子

圭既平劉通。荆襄間流民仍屯結。通黨李鬍子。名原。僞稱平王。與小王洪王彪等。掠南漳房縣內鄉。流民附之。至百萬。總督項忠討之。先遣人入山招諭流民。歸者四十萬。彪亦就擒。賊仍伏山砦出擊。忠又遣李振等擊之。擒李原小王洪等。又招流民五十餘萬。安插著籍。項忠傳。

葉宗留等

正統中。慶元人葉宗留。與麗水陳鑑胡聚衆盜。福建寶豐縣銀礦羣盜。自相殺。遂作亂。福建參議竺淵往捕。被執死。宗留僭稱王。福建鄧茂七亦聚衆反。宗留鑑胡附之。剽浙江江西福建境。參議耿定僉事王晟及都督陳榮劉真吳剛等。前後敗沒。遂昌賊蘇牙俞伯通。又與相應。朝命張驥爲浙江巡撫討之。驥遣官擊斬牙等。而鑑胡方以忿爭殺宗留。自稱大王。國號太平。建元泰定。分掠浙東。未幾茂七死。鑑胡勢孤。驥招之。遂降。別賊蘇記養等亦爲官軍所獲。張驥傳。

鄧茂七

福建沙縣人鄧茂七。爲甲長。以氣役屬鄉民。其俗佃人輸租外。例餽田主。茂七倡其黨。無餽。而要田主自往受粟。田主訴於縣。縣下巡檢捕之。茂七殺弓兵數人。上官聞。遣官軍三百人往捕。盡被殺。巡檢亦死。茂七遂大掠。自稱剗平王。設官屬。聚黨數萬人。陷二十餘州縣。指揮范真彭璽等。先後被殺。會左布政使安南人阮勤。貪濁漁民。民益從亂。巡按汪澄檄浙江江西會討。尋以賊議降。檄止其兵。賊益熾。茂七圍延平。朝命御史丁瑄往招討。都督劉聚僉都張楷。大軍繼其後。瑄誘賊再攻延平。督衆擊敗之。遂斬茂七。丁瑄傳。

李添保

天順中。麻城人李添保。以逋賦逃入苗中。僞稱唐太宗後。聚衆萬餘。僭稱王。建元武烈。掠遠近。總兵官李震大破之。添保逃入貴州。復誘羣苗出掠。震擒之。震傳。

劉千斤 李鬍子 葉宗留等 鄧茂七 李添保

黃蕭養

天順末。廣東賊黃蕭養作亂。圍廣州。楊信民先官廣東。有惠政。至是以巡撫至。使人持諭入。賊營招之。蕭養素服信民。克日請見。信民單車莅之。賊望見曰。果楊公也。爭羅拜願降。而信民尋即病卒。會朝命都督董興來討。蕭養等懼。遂不降。興調江西兩廣兵。侍郎孟鑑贊理軍務。興用天文生馮軾隨行。景泰元年春。至廣州。賊舟千餘艘。勢甚熾。而徵兵未盡集。諸將請濟師。軾曰。廣州被圍久矣。即以現兵往擊。猶拉朽耳。興從之。進至大洲。擊賊。殺溺死者無算。餘多就撫。蕭養中流矢死。俘其父。及黨與皆伏誅。信民及興傳。

劉六劉七齊彥名趙瘋子

正德中。文安人劉六名寵。其弟七名宸。竝驍悍。有司患盜。召寵宸及其黨楊虎齊彥名等捕盜。有功。劉瑾家人索賄不得。遂誣為盜。遣甯杲柳尙捕之。寵等乃投大盜張茂家。茂與宦官張忠為隣。茂結之時。河間參將袁彪捕茂。茂窘求救於忠。忠置酒招茂彪。宴以茂囑彪。彪遂不敢捕。寵等自首。尋復叛去。陷城殺將。朝命馬中錫提督軍務。與張偉等討之。諸將懦。或反與賊結。參將桑玉遇賊村中。寵宸窘匿民家。而玉受賂。故緩之。有頃。齊彥名持大刀至。殺傷數十人。大呼入。寵宸知救至。出殺數人。遂復熾。自畿輔犯山東河南。下湖廣。抵江西。又自南而北。直窺霸州。楊虎等由河北入山西。復至文安。與寵等合。縱橫數千里。所過如無人。中錫偉不能禦。乃下招降令。中錫肩輿入其營。寵請降。宸曰。今奄臣柄國。馬都堂能自主乎。遂罷去。焚掠如故。朝議乃遣侍郎陸完出督師。調邊將郤永許泰等率邊兵入勦。敗賊於霸州於信安阜城。劉六七乃南陷山東二十州縣。楊虎又北殘威縣新河。劉六等縱橫沂莒間。連陷

宿遷虹水城等處。邊兵追及。至小黃河渡口。虎溺死。餘賊奔河南。推劉惠為首。敗總兵白玉軍。殺指揮王保。勢大熾。有陳翰者。奉惠為奉天征討大元帥。趙燧副之。翰自為侍謀。軍國重務。元帥府長史與甯龍立東西二廠治事。分其軍為二十八營。以應二十八宿。營各置都督。趙燧者。文安諸生。號趙瘋子。挈家避賊。賊得之。欲淫其妻女。燧怒。手擊殺數人。賊以其勇。遂奉之。燧戒毋淫掠。毋妄殺。移檄府縣。官吏師儒毋走避。迎者安堵。由是橫行中原。勢出劉六等上。連陷鹿邑上蔡西平。遂平舞陽葉縣。縱掠南頓新蔡商水襄城。至鈞州。以馬文升家在。捨之去。攻泌陽。燬焦芳家。東草為芳像。斬之。副總兵馮禎時源擊敗賊。賊奔入西平城。官軍塞其門。焚死千餘人。餘賊潰而西。巡撫鄧璋等朝崇王。宴飲三日。賊得招散亡。勢復振。陷鄆陵滎陽汜水圍河南府三日。官軍始集。賊覘官軍饑疲。乃來犯。禎戰死。此燧等之亂河南也。劉六七及彥名則擾山東。畿輔亦陷數十州縣。官兵追及。賊輒驅良民在前。官兵所殺皆良民。故雖屢奏捷。而賊勢不衰。於是朝命。又以彭澤提督軍務。與仇鉞辦河南賊。其山東畿輔賊。則專委陸完澤等。至河南。燧等走汝州寶豐。舞陽。固始。潁州光山。鉞追及之。賊大敗。湖廣軍又破其別部賈勉兒於羅田。賊流六安舒城。趨廬州定遠。屢敗。而道遇楊虎餘黨數千人。又振陷鳳陽泗宿睢寧諸將連敗之。追至應山。賊略盡。燧薙髮逃至江夏。被執伏誅。惠走土地嶺。為指揮王謹射中目。自縊死。勉兒亦獲於項城。餘黨邢本恕。劉資。楊寡婦等皆就擒。而陸完之辦山東賊也。賊入登萊海套。又北走。沿途嘯聚益眾。巡撫甯杲兵為所敗。賊又南走湖廣。奪舟至夏口。為滿弼等追及。劉六與其子仲淮赴水死。劉七齊彥名乘舟抵鎮江。時河南賊已平。帝命彭澤等會勦。賊猶乘潮上下。操江伯趙宏靖遇之。敗績。完至鎮江。分舟師備江陰福山港等處。賊懼。至通州。颶風大作。走保狼山。完等攻之。彥名中槍死。七中矢。亦赴水死。餘賊盡平。陸完彭澤仇鉞馬文升馮禎等傳。

黃蕭養 劉六劉七齊彥名趙瘋子

江西盜

正德中流賊不獨劉六七等也。江西亦有劇盜。撫州則王鉦五、徐仰三、傅傑一、揭端三等。南昌則姚源賊汪澄二、王浩八、殷勇十、洪瑞七等。瑞州則華林賊羅光權、陳福一等。贛州則大帽山賊何積欽等。朝命陳金總制軍務討之。金調廣西土官岑鏗、岑猛、岑士兵與官兵合擊賊於熟塘。於東岸禽仰三、馘鉦五等。移師姚源。分命參政董朴等扼餘千等縣。防其逸出。親統大軍搗巢。勇十、瑞七等皆就誅。乘勝斬光權。華林賊盡平。又擊大帽山賊。擒積欽。半年間勦賊略盡。金置酒高會。餘賊覘諸隘無守兵。乃賂土目乘間逸出。時賊已絕饜三日。自分必死。至貴溪始得一飽。遂掠徽衢間。金招降王浩八。僞降以緩師。而攻剽如故。陳金傳東鄉賊亦乞降於副使胡世寧。號新兵。亦掠剽懼罪。又叛。朝命以俞諫來代金。浩八據貴溪之裴源山。衆又集。連營十餘里。諫令世寧等分兵斷其去路。賊憑山發矢石。官兵幾不支。諫與副總兵李鉉殊死戰。賊乃走。追數十里。擒浩八。其黨胡三既撫又叛。參政吳廷舉往諭。爲所執。居三月。盡得其要領。誘浩三殺其兄浩二。官兵乘亂攻之。遂擒浩三。以次平劉昌三等。而東鄉賊王垂七、胡念二等。又殺官吏焚廨舍。諫又發兵擒之。亂乃定。俞諫、李鉉、吳廷舉等傳

四川盜

是時流賊之在四川者。保寧有藍廷瑞。稱順天王。郫本恕稱刮地王。其黨廖惠稱掃地王。衆十萬。置四十八總管。蔓延陝西、湖廣之境。廷瑞惠謀據保寧。本恕謀據漢中。取郾陽。東下。巡撫林俊調灑狗兵。及石柱土兵。至龍灘河。乘賊半渡擊之。獲惠。餘賊奔陝。總制洪鐘下令招撫。降者萬餘人。賊又掠蓬劍二州。鐘檄陝、豫、楚兵分道進。廷瑞走漢中。官兵圍之。廷瑞遣人

乞降於陝撫藍章。章以賊本川人。遣官護之出境。賊既入川。乞降。而多所要求。欲以營山縣或臨江市處其衆。鐘遣通判羅賢入其營。被殺。鐘乃分兵爲七壘守之。賊不得逸。廷瑞以所掠女子詐爲己女。結婚於鐘。所調來之永順土舍彭世麟。冀得間逃去。世麟密白鐘。鐘使以計圖之。及期廷瑞本恕及其黨二十八人咸來會。伏發盡擒之。惟廖麻子得脫。偕其黨曹甫掠營山、蓬州。鐘又議撫。甫聽命。廖麻子忿甫背己。襲殺之。并其衆轉掠川東。自合州渡江。陷州縣。鐘傳甫黨方四亡命。思南巡撫林俊發兵擊走之。俊傳朝命彭澤來代鐘。澤偕總兵時源數敗之。擒麻子於劍州。其黨喻思俸、竄巴通間。澤又擒之。澤傳時鐘所調永順土兵恣爲暴。民間謠曰。賊兵梳。官兵篋。土兵薙。陳金所調廣西土兵亦恣橫。民間謠曰。土賊猶可。土兵殺我。

曾一本

嘉靖中海寇曾一本。本蜚戶。糾衆橫行閩廣間。俞大猷將赴廣西。總督劉燾令大猷會閩師夾擊。一本至閩。總兵李錫出海禦之。與大猷遇。賊柘林澳。三戰皆捷。賊遁馬耳澳。復戰。廣東總兵劉顯及郭成率參將王詔以師會。次萊蕪澳。分三哨進。一本駕大舟力戰。諸將連破之。燬其舟。詔生擒一本及其妻子。斬首七百餘。死水火者萬計。一本之黨梁本豪亦蜚戶。一本既誅。本豪竄海中。習水戰。遠通西洋。且結倭兵爲助。殺千戶通判以去。總督陳瑞與參將黃應甲謀。分水軍二。南駐老萬山。備倭。東駐虎門。備蜚。別以兩軍備外海。兩軍扼要害。乃率水軍進。沈蜚舟二十。生擒本豪。餘賊奔潭洲。聚舟二百。及倭舟十。諸將合追。先後俘斬千六百。沈其舟二百餘。撫降者二千五百。海賊盡平。李錫、劉顯傳

徐鴻儒

天啓二年。山東妖賊徐鴻儒反。連陷鄆。鉅野。鄒。滕。嶧。衆至數萬。巡撫趙彥任都司楊國棟。廖棟。檄所部練民兵。守要地。起家居總兵楊肇基。使統兵往討。而棟國棟等攻鄒。兵潰。遊擊張榜戰死。彥方視兗州。遇賊。肇基至。急迎戰。令棟國棟夾擊。大敗之。橫河。賊精銳聚鄒。滕中道。肇基令遊兵綴敗鄒城。而以大軍擊賊。紀王城。大敗賊。殲之。嶧山。遂圍鄒。國棟等亦先後收復鄆。鉅野。嶧。諸縣。乃築長圍攻鄒。三月。賊食盡。其黨出降。遂擒鴻儒。楊肇基傳。

劉香

崇禎初。福建有紅夷之患。海盜劉香乘之。連犯閩廣沿海邑。總督熊文燦議招撫。遣參政洪雲蒸。副使康成祖。參將夏之本。張一傑等宣諭。俱被執。乃令降盜鄭芝龍擊香於田尾洋。香勢蹙。令雲蒸止兵。雲蒸大呼急擊賊。勿顧我。遂遇害。香勢窮。自焚溺死。承祖等脫歸。文燦傳。

明祖本紀

明史大祖本紀。大概多本之實錄。及御製皇陵碑。世德碑。紀夢文。西征記。平西蜀文。周顯仙。人傳。此外則皇明祖訓。皇朝本記。天潢玉牒。國朝禮賢錄。及陸深之平胡錄。北平錄。平漢錄。平吳錄。平蜀記。黃標之平夏記。張紱之雲南機務抄。黃高岱之鴻猷錄。唐樞之國琛集。王世貞之名卿續記。顧璘之寶新編。徐禎卿之翦勝野聞。王文祿之龍興慈記等書。無慮數十百種。類皆資其採掇。然使決擇不精。如南北史。徒搜異聞。以炫人耳目。往往轉至失實。明史則博攬羣書。而必求確核。蓋取之博。而擇之審。洵稱良史。不參觀於各家記述。不知修史者訂

正之苦心也。

皇陵碑

敘明祖側微時。當以御製皇陵碑為據。蓋明祖自述其少日流離艱苦之況。甚至裸葬父母。髡髮沙門。乞食江淮。皆所不諱。則其事之確核可知也。天潢玉牒。明祖母陳太后。在麥場。有一道士。修髯簪冠。紅服象簡。來坐。撥一白丸。曰。大丹。付太后吞之。已而有娠。據此。則道士授丹。乃實事也。皇朝本紀。則云。太后夜夢黃冠。來麥場中。取白藥一丸。使吞之。覺語仁祖。即明父。而口尚有香。是夢中事也。高岱鴻猷錄。亦云。是夢。明史本紀從之。玉牒又謂明祖兄南陽王。及子山陽王先死。貧無葬地。同里劉繼祖以地與之。時仁祖先夢於彼。處築室。今葬長子。後。果夫妻亦同葬此地。即鳳陽陵云。是長子先葬。數年後父母隨葬也。然皇陵碑云。皇考終於六十有四。皇姚五十有九而亡。孟兄先死。合家守喪。田主德不我顧。呼叱昂昂。忽伊兄之慷慨。惠此黃壤。則是父母兄相繼死於旬日之內。故劉繼祖憫其鞠凶。而捨地與之。且繼祖弟方不許。若已葬。兄有地。又何煩繼祖之贈耶。又徐禎卿翦勝野聞。帝父母兄相繼死。貧不能具棺。與仲兄謀草葬山中。途次。屢斷。仲返計。留帝屍。忽風雨。天大晦。比明視之。則土裂屍陷。已成墳田。伯劉大秀。即與地而棄責焉。按皇陵碑云。殯無棺槨。蔽體惡裳。是草葬自是實事。至天葬之神異。事本不經。碑中竝無一語。或其後因裸葬而附會為此說耶。玉牒謂劉名亦不同。

明祖以不嗜殺得天下

明祖以布衣成帝業。其得力處。總在不嗜殺人一語。初遇李善長。即以漢高谿達大度。不嗜

殺人為勸。及取和州。諸將頗不戢。范常規以得一城而使人肝腦塗地。何以成大事。即責諸將。搜軍中所掠婦女。遣送其家。既渡江。將取太平。令李善長預書禁約榜文。入城。即懸諸通衢。兵皆肅然。毋敢犯。故陶安謂明公神武不殺。天下不足平也。及將取鎮江。先坐諸將以重罪。令善長再三求釋。乃下令。廬舍不焚。民無酷掠。方許免罪。於是克城之日。民不知有兵。池州之役。徐達常遇春敗陳友諒兵。生獲三千人。遇春欲盡誅之。徐達不可。乃以聞。而遇春已坑其兵過半。帝急命釋之。由是命達盡護諸將。遇春圍熊天瑞於贛州。固守不下。帝慮其多殺。先戒曰。得地無民。亦何益。乃築長圍。半年始克之。於是諸將皆承順風旨。咸以殺掠為戒。徐達圍張士誠於平江。亦幾一年。城將破。先約遇春曰。兵入。我營其左。公營其右。禁殺掠。故城破而民亦晏然。潘元明以杭州降於李文忠。文忠身宿樵樓。兵有借民釜者。立斬以徇。建寧守將達里麻翟也。先不花。送降款於何文輝。主將胡美怒其不先詣己。欲屠其城。文輝曰。兵至為百姓耳。何可以私意殺人。美遂止。張彬攻靖江南關。為守城者所詬。怒欲屠其民。楊璟諭之。亦止。鄧愈之狗安福也。部下有擄掠者。判官潘樞入責之。愈急下令禁止。搜軍中所得子女悉還之。徐達克元都。市不易肆。尤見威令之肅。蓋是時羣雄竝起。惟事子女玉帛。荼毒生靈。獨明祖以救世安天下為心。故仁聲義聞。所至降附。省攻戰之力大半。其後胡藍二黨誅戮。至四五萬人。則天下已定。故得肆其雄猜。又平定滇黔。殺苗蠻亦不下六七萬。則以番夷之性。但知畏威。非此不足以懲創。蓋明祖一人。聖賢豪傑盜賊之性。實兼而有之者也。

明祖用法最嚴

明祖親見元末貪黷懈弛。生民受害。故其馭下。常以嚴厲為主。雖不無矯枉過正。然以挽頹

俗而立紀綱。固不可無此振作也。當其用兵之始。命禁釀酒。胡大海方攻越。其子首犯之。王愷請勿誅。以安大海心。帝曰。寧使大海叛我。不可使我不行。遂手刃之。趙仲中守安慶。陳友諒來攻。仲中棄城走。常遇春請原之。帝不許。曰。法不行。無以懲後。遂誅之。馮勝攻高郵。城中詐降。使康泰等先入。敵閉門盡殺之。帝召勝還。決大杖十。令步行至高郵。勝愧憤。竟攻克之。可見其威令之嚴。不可搖動。獨鄧愈守洪州。祝宗康泰反。愈不及備。逃出撫州門。帝竟不殺。仍令往守。豈以事出不意而恕之耶。抑以其功大而不忍執法耶。

明祖重儒

明祖初不知書。而好親近儒生。商略今古。徐達往取鎮江。令訪秦從龍。致願見之意。即令姪文正。甥李文忠。以幣聘。至應天。朝夕過從。以筆書漆簡。問答甚密。從龍又薦陳遇。遇不受官。而尊寵之。逾於勳戚。後置江南行中書省。省中自李善長陶安外。又有安思顏。李夢庚。郭景祥。侯元善。楊元昊。阮宏道。孔克仁。王愷。樂鳳。夏煜。毛麒。王濂。汪河等。皆燕見無時。敷陳治道。又聘劉基。宋濂。章溢。葉琛。至。曰。我為天下屈四先生。下婺州後。又召吳沈。許元。葉瓚。玉。胡翰。汪仲山。李公常。金信。徐莘。重冀。戴良。吳履。張起敬等。會食省中。日令三人進講經史。其後定國家禮制。大祀用陶安。祫禘用詹同。時享用朱升。釋奠耕籍用錢用壬。五祀用崔亮。朝會用劉基。祝祭用魏觀。軍禮用陶凱。一代典禮。皆所裁定。尋以胡惟庸謀反。廢丞相。又設四輔官。以王本。杜佑。龔敦。杜敦。趙民望。吳源等為之。隆以坐論之禮。諫院疑讞。四輔官得封駁。又有安然。李幹。何顯。周等。相繼為之。帝嘗謂聽儒生議論。可以開發神智。蓋帝本不知書。而睿哲性成。驟聞經書奧旨。但覺聞所未聞。而以施之實政。遂成百餘年清晏之治。正德以前。猶其遺烈也。

郭子興之被執

至正十二年二月。郭子興孫德崖等陷濠州。未幾有徐州盜魁彭大趙均用。為元兵所敗。亦奔於濠。彭僭稱魯淮王。趙僭稱永義王。部眾恣橫。子興等反為所制。高岱鴻猷錄云。彭趙一日執郭下獄。帝力為營救。彭趙聞而釋之。天潢玉牒亦云。彭趙執郭於獄。明日彭帥釋之。是執子興者。彭趙共之也。然皇朝本紀則云。子興奉彭而輕趙。德崖等恃趙威。執子興。囚於德崖家。帝以子興次夫人往訴彭。彭曰。執敢若是。呼左右點兵。帝亦披堅執銳。圍孫宅。共掀椽揭瓦。見子興。鉗足繫項。令人負歸。脫去鉗鎖。是趙執子興。而彭脫之也。其後帝總兵和陽。德崖求寄居。子興至。其兵與德崖兵鬪。子興執德崖。德崖兵亦執帝。猶以此宿憾也。明史郭子興傳。不從鴻猷錄。而專用皇朝本紀。較為確核。

劉繼祖汪文

玉牒又云。帝父母死。無食。時年十七。入皇覺寺為僧。鄰人汪文助為之禮。事高彬為師。此即碑所云。汪氏老母。為余籌量。遣子相送。備禮馨香。空門禮佛。出入僧房。汪文蓋即汪媼之子。鴻猷錄亦謂帝從汪媼。託身皇覺寺。汪媼為少具儀物。師事僧高彬。鄭曉今言云。鳳陽皇陵。有奉祀二人。劉氏汪氏。徐禎卿翦勝野聞云。帝念劉大秀施地之惠。封為義惠侯。又感汪媼之意。敕授世官。令衛皇陵。明史作劉繼祖。又云帝平淮安。後至濠。賜故人文劉英粟帛。

張士德之擒

按陸深平吳錄云。徐達攻常州。張士誠遣其弟士德來援。士德敗走。遇坎墜馬被擒。皇朝本

紀。則云徐達破張士誠兵於宜興湖橋。擒其弟張九六。即士德。今明史徐達傳。則云擒士德於常熟。

劉福通被殺

陸深平吳錄。至正十九年。劉福通以宋主韓林兒走安豐。二十三年。張士誠遣呂珍破其城。殺劉福通。而平吳錄則云。帝率常遇春等救安豐。珍敗走。福通奉韓林兒退居滁洲。按二錄皆陸深所著。而一則云福通被殺。一則云福通奉其主居滁。何舛錯如此。高岱鴻猷錄。則云珍攻安豐。劉福通遣使求救於建康。上親率諸將救之。至則珍已破安豐。殺福通。上遂以林兒還金陵。云。按是時羣雄多奉林兒。龍鳳年號。明祖亦用之。令下。則云皇帝聖旨。吳王令旨。已居然天下共主矣。福通其宰相也。權位并在明祖之右。呂珍已為明兵所敗。并獲元將忻都。走左君弼。使福通不死。必仍奉林兒。據大位。以號召天下。其肯退居於滁。寄人籬下耶。是珍之殺福通。自是實事。福通既死。明祖奉林兒居滁。則已在掌握中。不逾年林兒死。遂改年為吳元年。廖永忠傳。并謂永忠迎林兒。還應天。至瓜步。覆其舟。死。則鴻猷錄所云。奉林兒還金陵者。亦誤也。

明祖之取江州

明史趙德勝傳。至正癸卯。太祖西征陳友諒。破安慶水寨。乘風沂小孤山。距九江五里。友諒始知。倉皇遁去。是友諒不及戰。即往武昌也。劉基傳亦云。明祖攻安慶。自旦及暮。不下。基請徑趨江州。遂悉軍西上。友諒出不意。帥妻子奔武昌。亦見國初禮賢錄。然御製西征記。抵皖城。寇舟不戰。水陸固守。我師遂宵晝弗停。次日午後。直抵潯陽。與彼交戰。再衝再折。若此者。三。彼負而我勝。友諒逃遁。遣將伏降。是明兵到時。友諒亦曾拒戰。既敗而逃。當以西征記為

準。按明史。廖永忠傳。是時永忠從攻江州。州城臨江。守備甚固。永忠度城高下。造橋於船尾。名曰天橋。以船乘。風倒行。橋附於城。遂克之。是不惟交戰。抑且攻城。使友諒不待戰。即倉皇遁去。又何用造橋於船尾。方破城耶。

徐達縱元君之誤

陸深玉堂漫筆。徐達之蹙元順帝於開平也。開一角。使逸去。常遇春怒無大功。達曰。是常君天下。將裂地封之乎。抑遂甘心也。既皆不可。則縱之固便。徐禎卿翦勝野聞。亦謂達追順帝。忽傳令班師。遇春大怒。馳歸告達。達料遇春歸。必有譖言。乃亦引軍歸。別白此事。謂若執以歸將焉。用之云云。按洪武元年。達遇春至通州。以八月庚午克元都。順帝已於七月丙寅開建德門北走。固未有故縱之事。二年春。達方在陝西。戡定鞏昌。臨洮。慶陽等處。遇春以通州有元丞相也。速來窺伺。乃與李文忠還師北平。既敗元兵。遂追入開平。順帝已北走沙漠。遇春歸。亦卒於柳河途次。是開平之役。達未之行。遇春亦無歸朝而奏之事。且達小心恭謹。當平江攻張士誠時。遣使請事。帝嘉其忠。而以將在外。君不御。勉之。胡德濟從征。擴廓。達令致敗。當斬。達以功臣。胡大海之子。械送京。帝曰。將軍效衛青。不斬蘇建耳。繼自今。毋姑息。是達之不敢自專。可知。況滅國大事。敢故縱其君乎。明史謂上幸汴梁時。啓密請於帝。謂元主若北走。將窮追之乎。帝曰。元運衰矣。行自漸滅。出塞之後。慎固封守可也。此事較爲得實。然達并未追順帝也。陸徐著述。頗可觀。此事乃繆誤如此。蓋徒得之傳聞。而未嘗見實錄也。

新月詩

黃溥閒中今古錄。明祖嘗試諸子新月詩。懿文太子云。雖然未到闔闔夜。也有清光照九州。成祖云。誰將玉指甲。搯磅青天痕。影落江湖裏。蛟龍不敢吞。鄭曉今言。則以影落江湖爲建

文君所作。蓋世所傳從亡錄。建宗竄跡西南。終免於禍難。似其詩懺也。

通州糧運京一傳所載不同

土木之變。英宗既北狩。也先將入寇。朝議欲焚通州倉。以絕寇資。後令京軍自運到京。不數日。京師頓足。明史周忱傳。以爲此議本出自忱。于謙傳。則又以爲出自謙。蓋忱傳本之何良俊。四友齋叢說。謂忱適以事至京。令軍士預支半年糧。俾自往取。何至付爲煨燼。謙傳則本之陳沂。畜德錄。謂國之命脈在此。傳示城中有力者。盡取之。高岱鴻猷錄。亦謂謙令軍士預支月糧。以贏米爲之直。此各記所記者也。蓋本忱建此議。而謙奏行之耳。

于謙王文之死

黃溥閒中今古錄。英宗復辟時。石亨等誣王文于謙謀。迎立外藩。坐以大逆。將肆之市。謙連呼皇天后土。文但云。今已到。此伸起頭來。就砍。連呼何爲。久自明白。是文之臨危不懼。視死如歸。過於謙遠矣。然明史文謙二傳。謙竝無皇天后土之呼。文則力辨。召親王。須用金牌信符。遣人必有馬牌。內府兵部可驗也。謙笑曰。亨等意耳。辨之何益。是從容就死者謙。而自辨冤枉者乃文也。蓋又各就其平日之人品。而繫以蓋棺定論耳。

喜寧之擒

明史于謙傳。英宗陷虜時。有叛閩喜寧降也。先爲之謀。主嘗導之入寇。邀大臣出迎。駕索金帛。以萬萬計。後隨出塞。又嗾擾寧夏等邊。謙密令大同守將禽而戮之。是謙授計之功也。楊俊傳。中朝患喜寧。購禽斬寧者銀二萬兩。爵封侯。爲都指揮江福所獲。宣府參將楊俊冒其

徐達縱元君之誤

新月詩

通州糧運京一傳所載不同

于謙王文之死

喜寧之擒

功景泰帝以邊將職所當為。僅加左都督。賜金幣。後事白。奪俊冒陞官。別賞江福。是江福擒叛之功也。然閱正統北狩事蹟。尹直北征事蹟。高岱鴻猷錄等書。則不惟楊俊冒功。即江福亦非功首。其始謀乃英宗也。英宗在北。以寧數嗾也。先擾邊。則和議不可成。和不成。則已無還期。會欲遣使至宣府。索春衣。囑也。先以寧往。而使軍士高磐隨行。密以手諭書木片縛磐髀股間。使以示俊。俊與寧飲城下。磐即抱寧大呼。遂縛送京師。伏誅。蓋福是磐抱寧時手縛之者。則俊與福之功皆屬倖得。而又係之於謙。蓋以其忠誠為國。凡有善事皆歸美焉耳。
高旺作

曹吉祥江彬

太監曹吉祥。從征雲南福建。朝命以諸降夷之安插。幾旬者隨行。既還京。吉祥皆結以恩。為瓜牙。其姪欽官。錦衣衛指揮使。封昭武伯。欽弟鉉。鑄鑿皆至大官。英宗復辟時。欽曾以此輩奪門。冒功得官。至數千人。石亨敗。冒功者皆革。此輩又為吉祥所庇得免。吉祥招權納賄。肆無忌。上寢疎之。欽亦以恣橫。失上意。別以衛事委任。遂杲。於是吉祥謀為亂。天順五年七月初二夜。將以明日五鼓。禁門開。率諸番將一擁而入。吉祥於內應之。可以得志。會有馬亮者。告變於恭順侯吳瑾。瑾與懷寧伯孫鏜。二鼓從門隙中。密本奏入。遂執吉祥於內廷。欽等不知也。及期百官方至。待漏院。入朝。而門不啓。欽知事洩。乃與諸弟率番將伯顏普華等。先至杲家殺杲。并殺瑾及都御史寇深於朝房。又刃傷大學士李賢。鏜等聞變。率兵來大戰於長安街。吉祥欽鉉鏘鐸伯顏等皆伏誅。使非鏜等刺聞告變。禍幾不測矣。然亦有不可解者。吉祥方密應於內。鏜瑾等雖奏入。豈不能攔截弗使上聞。何以能直達御前。遂至被執。及觀李賢天順實錄。乃知吉祥不通文墨。未嘗掌司禮監。故章奏不經其手也。
明史吉祥傳。却稱其掌司禮監。

然李賢係同時人。自當以賢說為準。武宗嬖江彬為義子。自通州回京。彬將邊兵扈行。而帝已病。彬矯旨改圍營為威武團練營。及帝崩。大學士楊廷和雖令中官密啓皇太后。謀誅之。然近在肘腋間。何以能束手就縛。及觀箬波繼世紀聞及唐樞國琛集。何良俊四友齋叢說。是時廷和方懼其為變。謀之於王翱。翱請於遺詔內。敕邊兵扈從南巡之勞。而離家日久。俱令至通州給賞。散歸。於是彬左右無人。遂不能脫。此一說也。高岱鴻猷錄。則云武宗崩。廷和等祕不發喪。以武宗命召彬入。遂就擒。此又一說也。按彬日侍豹房。不離左右。豈有帝崩而猶不知者。明史楊廷和傳。是時彬擁重兵。在肘腋。知天下惡之。心不自安。其黨李琮。勸以家衆反。不勝則走塞外。彬猶豫未決。廷和謀以皇太后命捕誅彬。因題大行銘旌。乃與中官溫祥等謀。脅司禮魏彬入奏。皇太后良久未報。頃之報曰。彬已擒矣。又明史佞倖傳。帝崩。江彬稱疾不出。衷甲觀變。會坤寧宮安獸吻。皇太后傳命江彬與工部尚書李銘祭神。以禮服入。家人不得從。祭畢。中官張永留飯。皇太后詔至收彬。彬遂不能出。此蓋當日實事。誅彬在武宗晏駕數日後。初非祕不發喪。即日誘誅彬。而後成服也。蓋彬雖有不軌謀。而素無佈置。是以廷和等得乘間除害耳。

明代宦官先後權勢

明內監故事。永樂中。差內官至五府六部稟事。內官離府部官一丈作揖。途遇公侯駙馬。則下馬旁立。今則呼府部官如屬吏。公侯駙馬。途遇內官。轉迴避矣。陸容菽園雜記張吏侍延祥云。內閣待中官之禮。凡幾變。天順間。李賢為首相。司禮監巨璫至者。以便服接見之事。畢。揖之而退。彭文憲繼之。門者來報。必衣冠見之。與之分列而坐。太監第一人對閣老。第三位。常虛其二。後陳閣老文。則送之出閣。商閣老輅。又送之下階。萬閣老安。則送至內閣門矣。今凡調

曹吉祥江彬 明代宦官先後權勢

旨等事。司禮者間出。或使少監等傳命而已。陸深金臺記。太監至。閣臣迎之於花臺。送之止中門。李西涯告王鑿云。此定例也。陸深玉堂漫筆。又見王鑿震澤漫筆。朱象元云。有一順門上內官云。我輩在順門上。久見時事。凡幾變。昔日張先生。學敬進朝。我輩俱要打恭。後來夏先生。言我們只平眼看著。今嚴先生。嵩與我們恭。恭手纔進。何良俊四友齋叢說。此閣部大臣與內官交接。先後不同之大概也。至王振汪直劉瑾魏忠賢。則有長跪叩頭。呼九千歲者矣。

權奸贖賄

震澤長語。正德中。劉瑾籍沒時。金二十四萬錠。又五萬七千八百兩。元寶五百萬錠。八百萬。又一百五十八萬三千六百兩。以上金共一千二百五十七萬八千八百兩。銀共二萬五千九百五十一千。一萬曰一萬。後漸增至幾千萬矣。留青日札。嘉靖初。籍沒錢寧。金七十扛。共十五萬五千兩。銀二千四百九十扛。共四百九十八萬兩。鴻猷錄。江彬籍沒時。入公帑者黃金七十櫃。櫃一千五百兩。銀二千二百櫃。櫃二千兩。繼世餘聞。嚴嵩籍沒時。金銀珠寶書畫器物田房。共估銀二百三十萬九千二百四十七兩餘。又直隸巡按御史孫丕揚。所抄嵩京中家產。亦不減此數。而所估價。又不過十之一。即如裘衣共一萬七千四十一件。僅估銀六千二百五兩零。帳幔被褥。二二萬二千四百二十七件。僅估銀二千二百四十八兩零。則其他可知也。計其值不下數十倍。此外又行賂於權要者。十二三。寄頓於親戚者。十三四云。明史嚴嵩傳。嵩籍沒時。黃金三萬餘兩。白金百餘萬兩。他珍寶不可數計。蓋猶少言之也。

明代科場之弊

唐寅舉鄉試第一。與江陰富人徐經同舉。遂同入京會試。寅故有才。梁儲為延譽於程敏政。適敏政與李東陽同主會試。策題以四子造詣為問。乃是許魯齋一段文字。見劉靜修退齋記。通場士子。皆不知敏政得二卷。獨條對甚悉。將以為魁。而寅出場後。亦疎狂自炫。給事中華景遂劾敏政。題時榜未發。詔敏政母閱卷。其所錄令東陽覆閱。二人卷皆不在。所取中。東陽以聞。言者猶論不已。敏政景寅俱下獄。坐經嘗謁見敏政。寅嘗乞敏政作序文。俱黜為吏。敏政亦勒致仕。見明史敏政傳。并何良俊叢說。景亦以言事不實。調南太僕主簿。蓋定讞時。未嘗實其關節之罪也。歸安人韓敬。嘗受業於湯賓尹。賓尹分校會試。敬卷為他校官所棄。賓尹越房搜得之。并取中五人。他考官皆效尤。競相搜取。共十七卷。賓尹又以敬卷強總裁蕭雲舉。王圖錄為第一。榜發。士論大譁。及廷對。賓尹又為敬資緣第一。賓尹旋以考察奪官。敬亦告病。事已隔三年矣。會進士鄒之麟。分校順天鄉試。所取童學賢有私。御史孫居相并賓尹事發之。下禮官及都察院議。而不及賓尹。給事中孫振基請并議。禮部侍郎翁正春。議黜學賢。謫之麟。亦不及賓尹。振基再疏劾。乃下廷臣更議。時賓尹已去官。敬謫行人司副。明史孫振基傳。

明人說部

按賓尹在浙黨中。本為巨魁。嘗把持京察。以麻禧依附東林。即出之為按察司知事。即其在閩中。越房搜卷。并強總裁拔敬第一。廷試又為敬資緣大魁。居相振基連劾之。而廷臣皆不敢議。既罷官後。猶能使霍維華疏言賓尹宜雪。敬宜復官。可見其權力聲勢。足以奔走一時。故孫丕揚以賓尹召號黨與。又將圖柄用。乃并其門生王紹徽。亦出之於外。真所謂奸人立之雄也。王紹徽傳。

徐禎卿翦勝野聞。明祖擒張士誠後。斥江浙行省參政周伯琦曰。元君寄汝以腹心。乃資賊

爲亂耶先迎之。三日大醉以酬其勞而戮之。按元史平江破後伯琦歸故鄉以良死初未嘗被戮也野聞又云士誠司徒李伯昇光以國情輸我師帝亦以爲姦臣而誅之然湖州之破滿城皆降於明獨伯昇不肯曰張太尉待我厚何忍爲此不得已亦降及平江將陷伯昇又使人說士誠以保身全家爲上策則其惓惓於故主尙非怙然是以既降後命仍故官洪武七年尙命伯昇掌屯田山東北平等處後又兼懿文太子同知詹事院事又命將兵討平湖廣慈利蠻吳良傳伯昇又隨鄧愈討廣西判蠻則伯昇初未被誅也而野聞以爲被戮果何所據耶又王錡寓圃雜記元有全某者乃宋淵聖皇帝之母舅在元學佛於土番號合尊大師有子亦從其教後元主坐以說法聚衆皆殺之按淵聖乃欽宗追尊之號至元朝已百六十餘年何得尙存合尊大師乃德祐帝也蓋全某係德祐帝母全太后之兄弟耳而訛爲淵聖可謂屯毛不辨又德祐帝有子曰完普亦出家爲僧然未有殺害之事此明人小說中最陋者也。

長隨

長隨本中官之次等受役於大璫者明史宦官何鼎傳鼎在宏治中爲長隨又王振傳英宗陷於土木郕王監國羣臣既擊殺振黨馬順又乞出王毛二長隨亦擊殺之下又云王毛二中官是長隨卽中官也鄭曉今言司禮監王岳爲劉瑾所惡謫充南京淨軍瑾黨長隨王成等追至臨濟小沙灘縊殺之今俗所謂長隨則官場中雇用之僕人前明謂之參隨明史宦官傳高淮監稅遼東有參隨楊永恩婪賄事發幾激軍變又稅監陳奉在武昌肆毒衆欲殺奉逃而免乃投其參隨十六人於江又何景明傳太監廖鑾鎮關中橫甚其參隨遇三司不下馬景明執而撻之。

明朝米價貴賤

明史周忱傳時京師百官月俸皆持俸帖赴南京領米米賤時俸帖七八石易銀一兩忱請重額官田極貧下戶準納銀每兩當米四石解京代俸民出甚少而官俸常足王文傳蘇松常鎮四府每糧四石折銀一兩民甚便之後戶部復令征米輸徐淮率三石致一石文用便宜停之張瑄傳榆林水災瑄請移王府祿米於他處留應輸榆林者濟荒每石取值八錢輸榆林民皆稱便馬文昇傳輸邊者糧一石費銀一兩以上豐年用糧八九石方易銀一兩李敏傳請令山陝州縣歲輸糧於各邊者每糧一石徵銀一兩以十九輸邊依時值折軍餉有餘則糴以備軍興由是北方二稅皆折銀自敏始也楊守隨傳王府祿米每石征銀一兩後增十之五守隨入告於王得如舊何喬新勘處播州事情疏云四川布政使發銀三百兩照依時價每銀一兩買米二石五斗給築城夫口糧是明中葉以前米價不過如此及崇禎中始大貴李繼貞傳崇禎四年斗米值銀四錢民多從賊左懋第傳崇禎時山東兵荒米石二十四兩河南乃每石一百五十兩。

廿二史劄記卷三十六終

察爾今改伊 伯括吾氏今改伊 色辰今改 托里斯今改 小魯今改 三不刺地
 布拉克今改 威今改 萬僧今改 孫改 也速答兒今改 忽憐今改 楊漢英今改 阿忽台今改
 阿老瓦丁今改 也不干今改 八都馬辛今改 馬兀合刺今改 完者篤今改 潤潤出今改 秃刺今改
 迷兒火者今改 立智理威今改 刺改 薛超兀兒今改 爾改 沙的今改 乞台普濟今改 伯改 脫虎脫今改
 愛育黎拔力八達今改 牙忽都今改 馬謀沙今改 欵徹庫今改 三布瓦今改 脫憐今改 汪兀
 闊闊今改 和世球今改 三布瓦丁今改 答思不花今改 不里牙敦今改 阿兒思蘭今改 脫憐今改 汪兀
 班置勒今改 保八今改 忙哥鐵木爾今改 鐵里西德今改 瑪兒今改 阿兒思蘭今改 脫憐今改 汪兀
 刺都今改 郭察今改 阿刺納失里今改 錫里旺今改 鐵里西德今改 瑪兒今改 阿兒思蘭今改 脫憐今改 汪兀
 鐵木迭兒今改 德改 曲律今改 只孫衣蘇今改 旺畢旺今改 雍古今改 烏兒今改 瑪兒今改 阿兒思蘭今改 脫憐今改 汪兀
 勒護都查兒今改 釐日今改 蘇改 卜領勒多禮伯臺今改 都改 阿木哥今改 普顏篤今改 脫不台今改 察
 碩英今改 伯峇沙今改 蘇改 卜領勒多禮伯臺今改 都改 阿木哥今改 普顏篤今改 脫不台今改 察
 台改 伯峇沙今改 蘇改 卜領勒多禮伯臺今改 都改 阿木哥今改 普顏篤今改 脫不台今改 察
 魯帖木兒今改 伊改 蘇改 卜領勒多禮伯臺今改 都改 阿木哥今改 普顏篤今改 脫不台今改 察
 堅秃兒今改 圖改 蘇改 卜領勒多禮伯臺今改 都改 阿木哥今改 普顏篤今改 脫不台今改 察
 黑驢今改 蘇改 脫忒哈今改 蘇改 卜領勒多禮伯臺今改 都改 阿木哥今改 普顏篤今改 脫不台今改 察

索約爾 銷咬兒哈的迷失 哈改 亦啓烈今改 益里威今改 奴兒干今改 探忒今改
 哈喇 圖帖陸爾今改 托改 赤斤鐵木兒今改 失兒今改 旭邁傑今改 馬刺今改 阿速吉八今改
 塔羅今改 兀魯思不花今改 失兒今改 旭邁傑今改 馬刺今改 阿速吉八今改
 焉速忽今改 兀魯思不花今改 失兒今改 旭邁傑今改 馬刺今改 阿速吉八今改
 阿蘇布改 左塔不台今改 蘇改 塔失帖木兒今改 蘇改 塔失帖木兒今改 蘇改 塔失帖木兒今改
 奇哩今改 王不憐今改 蘇改 塔失帖木兒今改 蘇改 塔失帖木兒今改 蘇改 塔失帖木兒今改
 哈博 曲烈今改 蘇改 塔失帖木兒今改 蘇改 塔失帖木兒今改 蘇改 塔失帖木兒今改
 特穆爾 潤不花今改 蘇改 塔失帖木兒今改 蘇改 塔失帖木兒今改 蘇改 塔失帖木兒今改
 當則改 潤不花今改 蘇改 塔失帖木兒今改 蘇改 塔失帖木兒今改 蘇改 塔失帖木兒今改
 勒巴改 奴兀倫今改 蘇改 塔失帖木兒今改 蘇改 塔失帖木兒今改 蘇改 塔失帖木兒今改
 思蘭海牙今改 蘇改 塔失帖木兒今改 蘇改 塔失帖木兒今改 蘇改 塔失帖木兒今改
 懿璘質斑今改 蘇改 塔失帖木兒今改 蘇改 塔失帖木兒今改 蘇改 塔失帖木兒今改
 木爾不脫今改 蘇改 塔失帖木兒今改 蘇改 塔失帖木兒今改 蘇改 塔失帖木兒今改
 脫木兒今改 蘇改 塔失帖木兒今改 蘇改 塔失帖木兒今改 蘇改 塔失帖木兒今改
 音改 野里牙今改 蘇改 塔失帖木兒今改 蘇改 塔失帖木兒今改 蘇改 塔失帖木兒今改
 山希改 野里牙今改 蘇改 塔失帖木兒今改 蘇改 塔失帖木兒今改 蘇改 塔失帖木兒今改
 補遺 野里牙今改 蘇改 塔失帖木兒今改 蘇改 塔失帖木兒今改 蘇改 塔失帖木兒今改
 也速也不干 伊改 蘇改 塔失帖木兒今改 蘇改 塔失帖木兒今改 蘇改 塔失帖木兒今改
 古納答刺今改 蘇改 塔失帖木兒今改 蘇改 塔失帖木兒今改 蘇改 塔失帖木兒今改
 阿魯 野里牙今改 蘇改 塔失帖木兒今改 蘇改 塔失帖木兒今改 蘇改 塔失帖木兒今改

木兒元順帝之孫今改蘇額 俄力思時改 巴者今改 伯顏子中 延今改 達里麻達 脫火
 赤和 齊托 愛足 按珠 忽都 帖木 兒克 特改 亦憐 真淋 河改 伊達 里改 地保 努改
 瑪順 帝保 孫即 天保 奴保 兀良 哈梁 也速 迭兒 遜今 伊改 咬住 徹兒 山帖 木兒 改今
 元順 帝保 孫即 天保 奴保 兀良 哈梁 也速 迭兒 遜今 伊改 咬住 徹兒 山帖 木兒 改今
 穆順 帝保 孫即 天保 奴保 兀良 哈梁 也速 迭兒 遜今 伊改 咬住 徹兒 山帖 木兒 改今
 索林 帖木 兒赤 勒今 郭琳 兀良 哈梁 也速 迭兒 遜今 伊改 咬住 徹兒 山帖 木兒 改今
 火真 蒙古 人永 穆順 帝保 孫即 天保 奴保 兀良 哈梁 也速 迭兒 遜今 伊改 咬住 徹兒 山帖 木兒 改今
 蔡罕 達魯 花達 今改 察罕 安克 帖木 兒哈 恩密 王今 改今 脫列 干裕 順帝 孫順
 古拉 特衛 馬哈 木達 今改 察罕 安克 帖木 兒哈 恩密 王今 改今 脫列 干裕 順帝 孫順
 元里 特衛 馬哈 木達 今改 察罕 安克 帖木 兒哈 恩密 王今 改今 脫列 干裕 順帝 孫順
 答里 巴爾 特衛 馬哈 木達 今改 察罕 安克 帖木 兒哈 恩密 王今 改今 脫列 干裕 順帝 孫順
 兒河 在桑 額爾 境內 今改 忽蘭 忽失 溫羅 帖木 兒哈 恩密 王今 改今 脫列 干裕 順帝 孫順
 也先 額爾 境內 今改 忽蘭 忽失 溫羅 帖木 兒哈 恩密 王今 改今 脫列 干裕 順帝 孫順
 黑麻 額爾 境內 今改 忽蘭 忽失 溫羅 帖木 兒哈 恩密 王今 改今 脫列 干裕 順帝 孫順
 兒可 額爾 境內 今改 忽蘭 忽失 溫羅 帖木 兒哈 恩密 王今 改今 脫列 干裕 順帝 孫順
 劉實 巴爾 特衛 馬哈 木達 今改 察罕 安克 帖木 兒哈 恩密 王今 改今 脫列 干裕 順帝 孫順
 罕慎 哈爾 今改 察罕 安克 帖木 兒哈 恩密 王今 改今 脫列 干裕 順帝 孫順
 羅今 亦思 馬哈 木達 今改 察罕 安克 帖木 兒哈 恩密 王今 改今 脫列 干裕 順帝 孫順
 濟農 亦思 馬哈 木達 今改 察罕 安克 帖木 兒哈 恩密 王今 改今 脫列 干裕 順帝 孫順
 吉囊 亦思 馬哈 木達 今改 察罕 安克 帖木 兒哈 恩密 王今 改今 脫列 干裕 順帝 孫順

通罕

隆慶初濟農據河套為西陲諸部長屢入寇乃以王崇古總督三邊
 把漢那吉巴 誥達 孫今 改今 一克哈屯誥 達妻 今改 襖兒都司今 改今 鄂爾多斯地
 昆都力弟 即老 巴噶 奈濟 今改 朵顏長克今 改今 董狐狸呼 哩改 董長 昂今 改今 張其
 哈刺齊 今改 喀喇 今改 切盡 台吉 今改 把速亥巴 今改 爾噶 炒花 今改 綽哈
 土恭 今改 圖爾 卜言 台周 今改 珠爾 把速亥巴 今改 爾噶 炒花 今改 綽哈

廿二史劄記補遺終

昭和五年十二月十五日
昭和五年十二月十五日
昭和五年十二月十五日
日發行
日發行
日發行
日再發行

著作權所有

發行所

電話神田
振替東京
一八五三七二番

國民文庫刊行會

印	右	發
刷	代	行
所	表	者
	者	兼
康	鶴	國民文庫刊行會
文	田	東京市神田區小川町一番地
社	久	東京市本郷區西片町十番地
印	作	吉原良三
刷		東京市牛込區早稻田鶴卷町一〇七番地
所		

續國譯漢文大成 經子史部 第二十卷
(岡山製本)
〔非賣品〕

發行所

東京一八三二番
一八三三番
一八三八番

國民文藝研習會

明 陽

東京市神田區神保町一〇七番地

明 陽

東京市牛久保區牛久保町一〇七番地

明 陽

東京市神田區神保町一〇七番地

書 目

第一冊
第二冊
第三冊
第四冊
第五冊
第六冊
第七冊
第八冊
第九冊
第十冊

明 陽

東京市神田區神保町一〇七番地

國民文藝研習會

654
56



